

मार्निंग डोगरी न्यूज़ बुलेटिन, समें. 09.20 Hrs

<><><><><><>

Headlines

- राश्ट्री गीत वंदे मातरम दे 150 ब'रे पूरे होने दे सरबंध्यै च प्रधानमंत्री नरेंद्र मोदी होर साल भर चलने आहले समारोहें दी अज्ज शुरूआत करडन।
- उप-राश्ट्रपति सी.पी राधाकृष्णन होरें जम्मू-कश्मीर थमां हाल च चुने गेदे राज्यसभा दे मिम्बर सत शर्मा होरें गी औहदे दी सगंध चकाई।
- नगरोटा लेई चुनांऽ प्रचार तेज, मुख्मन्त्री होरें अपनी पार्टी दे मेदवार दे हक्कै च रैली कीती।
- पुंछ च डी.एम हुं'दे आदेश मुजब पटाखे दी बिक्री ते इस्तेमाल पर पूरी चाल्ली पाबंदी लाई गई ऐ।
- भारती हाँकी दे 100 गौरवशाली ब'रे मनाने लेई अज्ज इक देशव्यापी जश्न मनाया जाग।

<><><><><><>

PM-Vande Marathon

प्रधानमंत्री नरेंद्र मोदी होर अज्ज नमीं दिल्ली च राश्ट्री गीत 'वंदे मातरम' दे 150 ब'रे पूरे होने दे सरबंध्यै च इक ब'रे तगर चलने आहले कार्यक्रम दा उद्घाटन करडन। इस मौके पर ओहू इक डाक टिकट ते सिक्का बी जारी करडन। सोशल मीडिया दी इक पोस्ट च प्रधानमंत्री मोदी होरें आखेआ जे एहू दिन हर भारती आस्तै इक महत्वपूर्ण मौका ऐ। उनें वंदे मातरम गी इक प्रेरक आह्वान दस्सेआ जिन्नै पीढ़िं गी प्रेरित कीता ऐ ते पूरे मुल्यवै च देशभक्ति दी भावना गी पैदा कीता।

वंदे मातरम दे 150 बरे पूरे होने दा जिक्र प्रधानमंत्री होरें अपने पिछले महीने प्रसारित 'मन की बात' कार्यक्रम च बी कीता हा। उनें आखेआ हा

इस कार्यक्रम च सार्वजनिक थाहरें पर वंदे मातरम दे पूर्ण संस्करण दा सामुहिक गायन होग। वंदे मातरम दी रचना बंकिमचंद्र चटर्जी होरें अक्षय नौमी 7 नवंबर 1875 गी कीती ही। -----

<><><><><><>

RS-Oath

उपराष्ट्रपति ते राज्यसभा दे चेयरमैन सी.पी राधाकृष्णन होरें राज्यसभा दे 2 नमें चुने गेदे मिम्बरें गी औहदे दी सगंध दोआई। राधा कृष्णन होरें केंद्र शासित प्रदेश जम्मू-कश्मीर च भारती जनता पार्टी दे अध्यक्ष सत शर्मा होरें'गी ओहदे दी सगंध दोआई। सत शर्मा होर संसद दे उप्परले सदन च जम्मू-कश्मीर दी नुमायंदगी करडन। राज्यसभा लेई चुने गेदे इक होर मिम्बर राजेंद्र गुप्ता जिनेंगी आम आदमी पार्टी आसेआ सदन च भेजेआ गेआ ऐ, उनेंबी औहदे दी सगंध लैती। ओह इस सदन च पंजाब दी नुमायंदगी करडन। इस मौके पर बोलदे होई राज्यसभा दे मिम्बर सत शर्मा होरें आखेआबाईट.....

<><><><><><>

Campaigning

जम्मू-कश्मीर च नवंबर गी होने आहले नगरौटा विधानसभा उप-चुनांऽ लेई प्रचार तेज होई गेआ ऐ। बक्ख-बक्ख सियासी दल मतदाताएं गी अपनी बक्खी करने लेई रैलियां ते जनसभा करा'रदे न। पिछले ब'रे एम.एल.ए देवेन्द्र सिंह राणा हुं'दे काल मगरा एह सीट खाली पेई दी ही।

बीजेपी दी देवयानी राणा ते नेशनल कांफ्रेंस दी शमीम बेगम जनेहू मेदवा चुनांऽ मैदान च खड़ोते दे न। मतदान शा पैहले प्रचार अभियान तेज होई गेदा ऐ। अपनी पार्टी दे मेदवार ते प्रचार अभियान तैहत मुखमंत्री होरें इक चुनावी रैली कीती ते गलाया

<><><><><><>

CM-Super Speciality

मुखमंत्री उमर अब्दुल्ला होरें सुपर स्पेशिलिटी जम्मू दा दौरा लाया ते उत्थे उपलब्ध सेहत सरबन्धी दिक्खभाल आहली सहूलतें दा जायजा ते भविक्ख दिएं योजनाएं दा बी पता लाया। इस दौरे दुरान मुख करी ध्यान सेहत सरबन्धी दिक्खभाल आहले ढांचे, समर्थ निर्माण ते अज्जै-कल्लै दिएं सेहत सहूलतें पर दित्ता गेआ तां जे मरीजें गी बेहतर ईलाज मुआलजा हासिल होई सकै। जीएमसी जम्मू दे प्रिंसीपल डॉ. आशुतोष गुप्ता होरें मुखमंत्री हुं'दे दौरे कन्नै सेहत सेवाएं गी मजबूती थोने आहले लाहू गी उजागर कीता। उनें अस्पताल च रोबोटिक सर्जरी शुरू करने दिएं योजनाएं बारै बी गल्ल कीती। मुखमंत्री हुं'दे दौरे बारै होर मती जानकारी दिंदे होई डॉ. आशुतोष गुप्ता होरें आखेआ

<><><><><><>

Poonch-Firecrackers

पुंछ दे डिस्ट्रिक्ट मजिस्ट्रेट अशोक कुमार शर्मा होरें जिले च अगले हुक्मै तगर पटाखें दी बिक्री ते इस्तेमाल पर पूरी चाल्ली पाबंदी लाई दित्ती ऐ। एहू फैसला एस.एस.पी पुलस आसेआ दित्ती गेदी इक रिपोर्ट मगरा आया जेदे च ब्याहें आहले दिनें दुरान पटाखें दे इस्तेमाल दी गल्ल कीती गेदी ऐ जेदे च सेना ते सुरक्षाबलें गी गलतफहमी होई सकदी ऐ या फही उन्दे लेई यक्कोतक्की आहली स्थिति बनी सकदी ऐ। आतंकवाद या फही गोलीबारी सरबन्धी कुसै बी घटना दुरान सुरक्षाबलें दी कार्रवाई पर पटाखे चलाने करी असर पेई सकदा ऐ।

भारती नागरिक सुरक्षा संहिता दी दफा 163 तैहत एह पाबंदी लाई गेदी ऐ। अधिकारिणं गी आखेआ गेआ ऐ जे ओहू इस बारे जागरूकता फैलान। हुक्मै दी खिलाफवर्जी करने आहलें कन्नै सख्ती नै निब्वड़ेआ जाग।

<><><><><><>

Hockey-100 Years

भारती हॉकी दे 100 गौरवशाली ब'रे मनाने लेई अज्ज इक देशव्यापी जश्न मनाया जाग। शताब्दी समारोह दे हिस्से दे तौरा पर 550 जिलें च 1400 शा मते मैच होङ्गन। इस दरान हॉकी दे महारथियें गी इस खेडू च उन्दे योगदान लेई सम्मानित कीता जाहग। भारती हॉकी गी अगगे लेई जाने आहले खडारियें गी चेता करदे होई इक श्रद्धांजलि दे तौरा पर इक अधिकारिक स्मारक खंड 'भारती हॉकी दे 100 ब'रे बी जारी कीता जाग। भारती हॉकी दी 100 बरे दी गौरवशाली यात्रा गी दस्सने लेई मेजर ध्यानचंद नेशनल स्टेडियम च इक बड्डी फोटो exhibition बी लाई जाग।

<><><><><><>

BSF-Marathon

सीमा सुरक्षा बल-बीएसएफ जम्मू दा फ्रंटियर मुख्यालय, जम्मू बी.एस.एफ मैराथ-2025 दी तैयारियें दे हिस्से दे तौरा पर दो रोजा मैराथन एक्सपो आयोजन करा'रदा ऐ। एहू एक्सपो 7 ते 8 नवंबर यानि कल ते परसो दपैह्नी 12 बजें शा संझा 5 ब'जे तगर शहीद वीर देव स्टेडियम, बीएसएफ पलौड़ा जम्मू च होग। एक्सपो दरान पंजीकृत रनर्स अपने bib नंबर ते अधिकारिक टी-शर्टां हासल करङ्गन ते उत्थें औने आहले लोक लाइव बैंड दे प्रदर्शन दा नंद लेई सकदे न जेह्दे कन्नै बीएसएफ ते जम्मू दे लोकें दे उत्साह ते उर्जा गी दर्शाया गेदा ऐ। जम्मू बीएसएफ मैराथन 2025, 9 नवंबर गी होग।

<><><><><><>

CS-Agr.

मुख्य सचिव अटल डुल्लू होरें जम्मू-कश्मीर च राई-बाई ते एह्दे कन्नै लगदे क्षेत्रें दी सकारात्मक सुधार परियोजनाएं ते किसान खिदमत घर दी प्रगति दा जायजा लैता। इस दरान उनें जमीनी स्तर पर असरदार अमलावरी, लगातार नेडमी तक्क रखने, महिलाएं ते करसाने दी मती दशा मती भागीदारी गी यकीनी बनाने दे निर्देश दित्ते। एह् प्रोग्राम जलवायु अनुकूल, बजार आधारित राई-बाई गी बढ़ावा दिंदा ऐ ते एह्दे तैह्त् 20 ज्हार श मते आवेदन हासल होए ते 9 ज्हार 800 मंजूरियां दित्तियां गेइयां जेह्डा एह् दस्सदा ऐ जे बड़ी मती गिनतरी च करसान इस प्रोग्राम कन्नै जुडे दे ना।

<><><><><><>

Food Safety

खाद्य सुरक्षा विभाग नै रामबन जिले च खाने-पीने दी चीजें सरबन्धी सुरक्षा उपाएं, ख् ओह्दे उच्च म्यार ते चीजें-बस्ते दे तय भाएं दा निरीक्षण कीता। अधिकारियें लोआंघना गी रोकने ते सुरक्षित खाने-पीने आहली चीजें गी अपनाने गी बढ़ावा देने उप्पर जोर पाया। विभाग नै गुटका, पन-साला ते होर दुइयें तम्बाकू आहली चीजें उप्पर खाद्य सुरक्षा ते मानक अधिनियम तैह्त् बंदशां लाइयां। जिला प्रशासन रामबन नै आखेआ जे इयै जनेई मुहिम राएं बपार च बाद्दा ते पर्यावरण गी साफ-सुथरा रखने च बाद्दा होग। उनें बपारियें गी कनूनी ते सुरक्षा नियमें दी सख्ती कन्नै पालमा करने लेई आखेआ। एह्दे बारै गल्ल करदे होई रामबन दे खाद्य सुरक्षा अधिकारी बलवीर सिंह होरें आखेआ

<><><><><><>